



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২৬ এপ্রিল ২০০৫

ভারত-ইউএসএআইডি প্রকল্প চালু হল পশ্চিমবঙ্গে

কলকাতা -- পশ্চিমবঙ্গে পানীয় জল সরবরাহ ও নিকাশী ব্যবস্থা উন্নয়নে আন্তর্জাতিক উন্নয়ন সংক্রান্ত মার্কিন সংস্থা (ইউএসএআইডি) এবং পশ্চিমবঙ্গ সরকারের সমরেত প্রয়াস শুরু হল।
মঙ্গলবার গ্র্যান্ড হোটেলে আয়োজিত এক কর্মশালায় ভারতে ইউএসএআইডি-র ডিরেক্টর জর্জ ডেইকুন এবং রাজ্যের পুর ও নগরোন্নয়ণ মন্ত্রী অশোক ভট্টাচার্য এই প্রকল্পের সূচনার কথা আনুষ্ঠানিক ভাবে ঘোষণা করেন। তাঁরা জানান, পুর উন্নয়ন তহবিলকে প্রস্তাবিত প্রকল্প প্রনয়নের উদ্দেশ্যে উপযুক্ত ভাবে কাজে লাগানোর কার্যকরী কৌশল উন্নোবন করতে ইউএসএআইডি-র আর্থিক সংস্থা সংস্কার ও সম্প্রসারণ কর্মসূচী (ফায়ার-ডি) এবং রাজ্য সরকার যৌথভাবে কাজ করবে। রাজ্যের বিভিন্ন শহরে জল নিকাশী ব্যবস্থা, জঙ্গল সংগ্রহ ও অপসারণ পরিষেবার উন্নয়ন ঘটানো এবং পুরসভাগুলির আর্থিক পরিস্থিতির হাল ফেরাতে যথাযথ সহায়তা করাই ওই তহবিলের উদ্দেশ্য।

ইউএসএআইডি-র নতুন মিশন ডিরেক্টর ডেইকুনের এটিই ছিল প্রথম কলকাতা সফর।
নাগরিক পরিষেবার স্বাচ্ছন্দ্য বাড়াতে এবং আর্থিক প্রগতি ধরে রাখতে তিনি পরিকাঠামো ও পরিচালন ব্যবস্থার ওপর বিশেষ জোর দেন। অনুষ্ঠানে মার্কিন কনসাল জেনারেল জর্জ এন সিবলিও উপস্থিত ছিলেন। পূর্বাঞ্চলের রাজ্যগুলিতে স্বাস্থ্য, শিক্ষা, অর্থনৈতিক ও পরিবেশগত বিভিন্ন প্রকল্পে মার্কিন সহায়তা দেওয়ার কথাও এই প্রসঙ্গে তিনি তুলে ধরেন। উল্লেখ্য, নাগরিক পরিকাঠামোর প্রয়োজনীয়তার কথা ভেবে ইউএসএআইডি এবং কেন্দ্রীয় নগরোন্নয়ণ মন্ত্রক ২০০৪ সালের ডিসেম্বরে জাতীয় পর্যায়ে ফায়ার-ডি কর্মসূচী চালু করে। এই কর্মসূচী অনুযায়ী পশ্চিমবঙ্গ সহ নির্বাচিত সাতটি রাজ্যকে সহায়তা করা হবে। বাজার থেকে টাকা তুলে জল সরবরাহ ও নিকাশী পরিষেবা উন্নয়নে গৃহীত বিভিন্ন প্রকল্পকে লাভজনক করে তুলতে রাজ্য সরকারের সংশ্লিষ্ট দণ্ডর ও পুরসভাগুলিকে উপযুক্ত ভাবে সমর্থ করে তুলতে প্রয়োজনীয় পরামর্শ যোগানও হবে কর্মসূচীর লক্ষ্য।

নির্দিষ্ট কিছু পদক্ষেপ গ্রহণের মাধ্যমে নাগরিক পরিষেবায় বিনিয়োগ বৃদ্ধি করাও এই কর্মসূচীর লক্ষ্য। এগুলি হল:

বাণিজ্যিক ভাবে সফল নগর পরিকাঠামো পরিষেবার উন্নয়ন ও প্রগয়নে আরও বেশি করে পুরসভা, বেসরকারি সংস্থা ও গোষ্ঠীর অংশীদারি ত্ব নিশ্চিত করা।

সুষ্ঠুভাবে নগরায়ণের প্রসার মোকাবিলায় পুরসভা, রাজ্য সরকার, পরিকাঠামো সংস্থা ও সংশ্লিষ্ট
পেশাদারদের সক্ষমতা বাড়ানো এবং

বাজার-ভিত্তিক নগর পরিকাঠামো সংক্রান্ত আর্থিক ব্যবস্থা গড়ে তুলতে প্রয়োজনীয় মদত
যোগানো।

এই কর্মসূচী অনুযায়ী ইতিমধ্যেই পুর পরিকাঠামো পরিষেবায় বিনিয়োগের জন্য প্রয়োজনীয় পুর
আইন ও আর্থিক সংস্কার করা হয়েছে।
